

مسجد الحرام؛ دنیا موسلمانلارین اورکلرینی بیرلشدیرن یئر

موسلمانلارین اعتقادینا گؤره مسجد الحرام موسلمانلارین اورکلرینی بیرلشدیرن اوچ مسجددن بیریدیر.



موسلمانلارین اعتقادینا گؤره مسجد الحرام موسلمانلارین اورکلرینی بیرلشدیرن اوچ مسجددن بیریدیر.

مسجد الحرام مکه شهرینین وسطینده و ابراهیم (ع) وادیسینده یئرلشیپ کی سودان 277 متر اوچادیر. بو مسجد شیمالدان «مروه» یه، شرقدن «سعی» یه و غربدن «باب عمره» یه دایانیر.

مسجد الحرامین دوزلمه سی

ابراهیم (ع) و اوغلو اسماعیل (ع) کعبه نی دوزلدن سونرا، آلاهیین امری ایله حجازا گلدیلر. ابراهیم (ع) بیرینجی شخص ایدی کی حرمین حدودونی حضرت حبرئیلین (ع) دلیلری ایتن قرار وئردی و اوندان سونرا اسماعیل (ع) اونو ایدامه و توسعه وئردی. دئییلیر کی بو بینا حضرت آدمین (ع) ایله دوزلیپ و سونرالار ابراهیم (ع) اونو احیاء ائدیپ.

قصی بن کلابین رهبرلیگی زمانی کی کعبه قریشین ایینه ایدی، کعبه یه یاخین یئری حرم ائله دیلر و اونا احتیرام و موقدسلیق قایل اولدولار. او حرمده اولدورمک حرام ساییلدی و مسجد الحراما بیت عتیق، بیت الحرام، بیت المعمور، حرم، حرم مکی کیمی آدلار وئردیلر.

مسجد الحرامین توسعه و آبادانلیغی

هیجرتین سککیزینجی ایلینده، مسجد الحرامین مساحتی 1490 متر موربع اولدو کی پیغمبر اکرم (ص) و بیرینجی خلیفه دؤورونده دگیشمه دی. هیجرتین 17-جی ایلینده ایکینجی خلیفه مسجد الحراما آلچاق دیوار ایشله دی و قاپی قویدو و اورانی چیراقلا ایشیقلا ندیردی. او بیرینجی شخص ایدی کی مسجد الحراما دیوار چکدی. هیجرتین 26-جی ایلینده اوچونجو خلیفه، مسجد الحرامین اطرافیندا اولانلاری بیخیب یئرینه ائیوان تیکدیردی و دامیندا اؤرتدو.

هیجرتین 65-جی ایلینده عبدالله بن زبیر، اونو شرق، جنوب و شیمال طرفدن توسعه وئردی. هیجرتین 75-جی ایلینده عبدالملک بن مروان اونون توسعه یه بیر شئی آرتیرماسادا، اونون دیوارلاری و سقفینه بزرک و تزئین آرتیردی و اورانین گؤزلیک و آبادانلیغینا آرتیردی و مسجد الحرامدا هر ستونون بویوندا 50 میثقال قیزیل ایشلندی. ولید بن عبدالملک هیجرتین 91-جی ایلینده شرق طرفدن اونو توسعه وئردی و آتاسی دوزلدیکلرینی بیخیب تازادان دوزلندی. او بیرینجی شخص ایدی کی مصردن و شامدان مرمر داش گتیریب، سقفینی تخته و ساجدان دوزلدیپ و مسجدین داخلی دیوارلارین مرمر داشینان اؤرتدو.

هیجرتین 137-جی ایلینده ابو جعفر منصور مسجدین شیمان و غرب طرفینی توسعه وئردی و غرب طرفده میناره قویدو و رواق دوزلتماقلا و جور به جور بزرکلره اونون گؤزلیگین ایکی برابر ائله دی.

عباسی و معتضد و سونرا سولطان سلیم زامانیندا مسجد ترمیم و ایصلاح اولدو، اما بو بزرکلر 1069-جو ایلینده جن دگیشمه دن قالدی. هیجرتین 1375-جی ایلینده سعود بن عبدالعزیز زامانیندا «سعی» طرفینده اولان ائولرین بیخیلماسی ایله توسعه تاپدی. او جنوبداکی بینالاری بیخدی کی مسجد الحرامی توسعه وئرسین و اوندان اساسی دگیشیکلیر وئردی.

هیجرتین 1409-جو ایلینده ملک فهد بن عبدالعزیز، غرب طرفدن مسجدیه ایضافه لشدیردی و اوندان سونرا برفی پیله اینن نجه طبقه اونا ایضافه لشدی. عمومیتده مسجدین مساحتی 256 مین 850 متر اولدو کی بیر میلیوندان چوخ اینسان اوردا ناماز قیلا بیلسین.

مسجد الحرامین 25 قاپی سی وار، دؤرد طرفده ائیوانلارین آلتیندا اولان ستونلارین سابی 545 عدد دیر کی ستونلاردا بیر هنر یوخ چیراق وار. مسجدین بؤیوک حیاطی وار کی کعبه اونو وسطینده دیر. 4 میناره نین اولماسی اورانین گؤزلیگینه آرتیریب.

لینک مطلب در سایت : <http://torki.tebyan-tabriz.ir/?MID=21&Type=News&id=447>